

Recueil des chartes de l'abbaye de Stavelot-Malmedy, 40

Hildebaldus gratia Dei abba cenobii sancti Petri principis sanctorum sanctique Remacli confessoris Christi atque pontificis simulque cum eo agmen monachorum in eodem cenobio militantium spiritali militia, Mannoni viro modesto et conjugii ejus Rothgardi. Cognitum habetur a multis, qualiter vos communi consilio pro anime vestre remedio dedistis ad partem prefatorum superius sanctorum sive etiam ad monachorum ibidem degentium usum et solatium de terra juris vestri bonuaria II in villa Firmina, et pertinet proprie ad nostros monachos; de villa eorum juris accipere deberetis, et hoc a nobis expostulatis. Et nos simul cum ipso agmine monachorum concedimus tam ipsam terram quam dedistis quam etiam nostrum mansum in ipsa villa, ut dum vixeritis vos vel filius vester Rodo habeatis et usitetis fructuario usu per nostrum beneficium, vendendi aut commutandi non habeatis licentiam sed inmeliorandi, et annis singulis in festivitate sancti Remacli exsolvatis sol. V ad fratrum opus, et si de ipso censu negligentes apparueritis cum vestra lege emendetis, et post prefatorum decessum, monachi qui tunc fuerint recipiant et que dedistis et que accepistis cum integritate et cum melioratione absque alicujus contradictione perpetualiter eis ad utendum et faciendum quicquid voluerint. Et ut hec cessio majorem vigorem obtineat, manu propria cum ipsis monachis eam subter firmavimus. Actum Stabulao monasterio, anno domni Ludouuici gloriosi regis nostri V. Signo Hildebaldus abbati qui hanc precariam fieri rogavi et manu propria firmavi. Signum Fulcrici prepositi consentienti. Signum Roderici S. Cristiani decani. Signum Adulfi custodi. S. Framerici. S. Barnerici . S. Adelberti. S. Gisleberti. S. Gunthardi. S. Hucbaldi. S. Ladulfi.